



Kutukuzwa Mbele

ya Ulimwengu

Mimi nimekutukuza duniani, hali nimeimaliza kazi ile uliyonipa niifanye.—**Yohana 17:4.**

Kwa kumfufua Yesu kutoka kwa waliokufa, Baba alimtukuza Mwanawe mbele ya walinzi wa Kirumi, mbele ya majeshi ya shetani, na mbele ya ulimwengu wa mbinguni. Malaika mwenye nguvu, akiwa amevaa mavazi ya mbinguni, alishuka, akitawanya giza njiani mwake, na, akivunja muhuri wa Kirumi, aliviringisha lile jiwe kutoka kaburini kana kwamba ni kokoto, akitengua kwa muda mfupi kazi ambayo adui alikuwa ameifanya. Sauti ya Mungu ilisikika, ikimwita Yesu kutoka katika nyumba Yake ya gereza. Walinzi wa Kirumi waliwaona malaika wa mbinguni wakisujudu kwa heshima mbele Zake Yeye ambaye walikuwa wamemsulubisha, na kisha Akatangaza juu ya kaburi la Yusufu lililo wazi, “Mimi ni ufufuo na uzima.” Je! Tunaweza kushangaa kwamba askari-walianguka chini kama watu waliokufa?

Kupaa kwa Yesu mbinguni, katikati ya wingu la malaika wa mbinguni, kulimletea utukufu. Alifuika utukufu ambao ukioneshwa kwa ring’ao Wake wote wanadamu wanaokufa wasingeweza kustahimili na kuendelea kuishi. Alikuwa ulimwenguni kama mwanadamu; alipaa katika nyumba Yake ya mbinguni kama MUNGU. Maisha Yake ya kibinadamu yalikuwa yamejawa na huzuni na majonzi, kwa sababu ya ukatili wa kukataliwa Kwake na wale aliokuja ili kuwaokoa; lakini watu waliruhusiwa kumwona akiwa Mwenye Nguvu, wakimwona akipaa katika utukufu na ushindi, akizungukwa na msafara wa malaika. Viumbe wale watakatifu waliotangaza ujio Wake kwa ulimwengu waliruhusiwa kumhudumia katika kupaa Kwake, na kuhimiza uingiaji wa ushindi kwa ajili ya Mwana wa kifalme na wa utukufu. “Inueni vichwa vyenu, Enyi malango,” wanapaza sauti walipokaribia malango ya mbinguni.... “Ni nani huyu mfalme?” Na kutoka kwa maelfu na makumi elfu sauti ziliitikia: “Bwana mwenye nguvu, hodari, Bwana hodari wa vita”....

Hivyo ombi la Yesu lilijibiwa. Alitukuzwa kwa utukufu ule aliokuwa nao pamoja na Baba kabla ya ulimwengu kuwepo. Lakini katikati ya utukufu huu, Yesu hasahau watu Wake wanaosumbuko na kuteseka duniani. Ana ombi la kumwomba Baba. Analiaga jeshi la mbinguni mpaka Atakapofika mbele za Yehova moja kwa moja, kisha Atoe ombi Lake kwa ajili ya wateule Wake.

“Baba,” Anasema “hao ulionipa nataka wawe pamoja nami po pote nilipo.” Na kisha Baba atatangaza, “Nawamsujudu malaika wote wa Mungu.” Jeshi la mbinguni linainama mbele Yake, na kuimba wimbo wao wa ushindi na furaha. Utukufu unamzunguka Mfalme wa mbinguni, na ulionekana kwa viumbe wote wa mbinguni. Hakuna maneno yanayoweza kutumika kuelezea mandhari yaliyotokea Mwana wa Mungu aliporejeshwa katika mahali Pake pa heshima na utukufu ambao Alihiari kuuacha alipokuwa mwanadamu (The Signs of the Times, Mei 10, 1899).